

ULIAKO MINTEGIETAKO PARKEA DELA ETA, ERREFERENDUMA EZ DEN HIRITAR KONTSULTARAKO PROPOSIZIOA

Herritarren Partaidetzarako Arau Organikoaren 16. bis artikulua eta hura garatzeko Hiritar Kontsuluten Erreglamenduaren 13. artikulua oinarritzat hartuta, eta Udalbatzaren Araudi Organikoaren 90.3 artikulua babesean, ondoko ERAKUNDE-EKIMENEN KONTSULTA PROPOSIZIOA aurkezten dugu, Uliako Mintegiak deritzon parkeari buruz, Udalbatzak aztertzeko.

Azalpen memoria edota argudioak

Udalak ez du erabiltzen Uliako Mintegia izeneko parkea udaleko Parke eta Lorategien Bulegoko Mantentze Zerbitzuak hazi eta landare mintegi moduan erabiltzeari utzi zionetik, eta, horren ondorioz, 2008an itxi zuten auzotarrek handik igartzeko erabilitako bidea.

Dena dela, beti izan da erreferentziazko gune bat herritarrentzat, handik ibiltzeko zabala, bai eta inguruko herritarrek maiz bisitatzeko zuten elkargunea ere. Gainera, alde hartan urez hornitzeko depositu zaharrak daude. Hiri Ondare Eraikian Babesteko 2013ko Planak babesten ditu gaur egun depositu horiek.

Alde horretatik, parkea erabili gabe eta itxita egotearen ondorioz, parkea zabaldu eta inguru hartako kultur eta ingurumen ondareari merezi duen balioa emateko eskatu zioten auzotarrek Udalari. Eskakizun horri erantzuteko, prekarioan laga zuten parkea kudeatzearena Uliako auzo elkarteari Udalak 2015an, prozedura irekia erabilia.

Komunitate proiektu autokudeatu honen baitan, zenbait proiektu gauzatu dituzte: ur deposituetarako bisitalde gidatuak, auzo konposta, Uliako Lore Baratzeak izeneko proiektua —hiri baratzeakiko lorategi komunitarioa bihurtzeko asmoz— eta ate irekiko jardunaldiak nahiz bestelako ekitaldiak. Horrek denak leku nabarmenean jarri du parkea Donostiako kultur eta ingurumen agendaren barruan. Udalaren konkurrentzia askeko diru laguntzak jaso ditu proiektu komunitario honek, bai eta Eusko Jaurlaritzaren 2015eko Elkarlan saria ere.

Bestalde, 2010eko Hiri Antolamenduko Plan Orokorrak bizitegitzat sailkatzen zuen alde hura, eta etxebizitza librea garatzea xedatzen ere. Herritarrei laga aurretik, parkea batez ere ekipamendu publikoa izateko konpromisoa onartu zuen 2013an Udalbatzak, zuzkidura bizitegien modalitatean. Aipatu aldaketa behin-behineko onartzeko aurkeztu zioten Udalbatzari 2016ko otsailaren 25ean, Ategorrieta AU.05 eta Uliako AN NU.02 eremuei kalifikazioa aldatu ondoren.

Izenpetzaileen iritziz, aipatu plangintza aldaketaren ondoriozko zuzkidurako garapena bateraezina da parkean egun diren erabilerekin, alde horri balioa eranstearekin eta, aipatu lagapenaren ondorioz, denboraren poderioz sendotuz joan den auzotarren proiektuarekin. Bat datoz iritzi horrekin parkearen kudeatzaileak eta sinadura bidez parkea egun dagoen moduan uztearen alde agertutako milaka lagunak.

Horregatik guztiagatik, gure ustez, alde horren etorkizunari buruz erabakitzea demokratizatu beharra dago, bai eta herritarrei galdetu ere esparru horretan zuzkidura bizitegiak egin behar ote dituzten ala alde hartako ondarea eta egungo erabilera (hiri berdegunea f.20) plangintza bidez finkatu.

Herriari galdetzeko proposamenak ez ditu hausten Herritarrei Kontsultak Egiteko Araudiak ezarritako salbuespenak: ez ditu zalantzan jartzen ez duintasuna ezta oinarrizko eskubide eta askatasun publikoak, ez du eraginik Udalaren ogasunean eta finantza egonkortasunean, udalaren eskumena den udal plangintzan besterik ez baitu eragiten.

Azkenik, ez dago zertan esan parke publiko baten etorkizuna herri interesekoa dela, argi eta garbi, eta herritar guztiona, orokorrean.

Horrenbestez, behean sinatzen duten zinegotziek, EHBildu eta Irabazi Udal taldeak honako proposamena aurkezten dio Udal Batzarrari berak azter dezan :

BAKARRA: Uliako mintegietako parkea dela eta erreferenduma ez den kontsulta onartzea honako terminoetan:

a.- Kontsultapean jarri beharreko galdera:

Ados zaude “Uliako Mintegiak” deritzon parkean egin nahi dituzten apartamendu dotazional berriak beste nonbait jartzearekin, aipatu parke osoa hiriko berdegune gisa egonkortu dadin?

b.- Proposaturiko lurralde esparrua eta argudioak

Udalerrria baino lurralde esparru txikiago bat, kontsultaren helburu den parkea erreferentziazko aldea baita Ategorrieta-Ulia auzorako —han kokatuta dago— eta hurbileko Intxaurren Zaharrerako, eta ez udalerrri osorako. Herritarrei Kontsultak Egiteko Araudiko 4. artikulua jaso bezala, udal jarduera eragilea izateko hastapenak eskatzen du kontsulta udalerrri osora hedatzeak behar bezala funtsatuta egon behar duela, eta baldintza hori ez da betetzen honako honetan, parkeari atxikiago baitaude, batez ere, inguruko herritarrek eta ez, ordea, donostiar guztiak.

Gainera, herri kontsulta honen bidez, emaitza gorabehera, ez da baldintzatzen zuzkidura bizitegi berriak eraikitzea, 2010eko Plan Orokorrak xedatzen duenez, zenbait eremu gauza baitira zuzkidurazko ekipamendu publikoak garatzeko. Hortaz, ez die

erasaten gainerako herritarrei: erreferendum mailakoak ez diren kontsultetan bozkatzeko gauza diren donostiar guztiei galdetzeko baldintza.

Hortaz, Ategorrieta-Ulia eta Intxaurrondo Zaharra aldeetan errolaturiko 16 urtetik gorako herritarrei galdetzea proposatzen dugu (2010eko Plan Orokorrak mugaturiko hirigintza esparruarekin bat).

Donostian, 2016ko apirilaren 22an

<p>Axier Jaka Goikoetxea, EH Bildu taldearen zinegotzia.</p>	<p>Olaia Duarte López, EH Bildu taldearen zinegotzia.</p>
<p>Naiara Sampedro Perez, EH Bildu taldearen zinegotzia.</p>	<p>Ricardo Burutaran Ferre, EH Bildu taldearen zinegotzia.</p>
<p>Josu Mirena Ruiz Martin, EH Bildu taldearen zinegotzia.</p>	<p>Loïc Alejandro, Irabazi Donostia taldeko zinegotzia.</p>
<p>Amaia Almirall Lopez de Luzuriaga, EH Bildu taldearen bozeramailea</p>	<p>Amaia Martin Garin, Irabazi Donostia taldearen bozeramailea.</p>